

von sich selbst wird finden lassen. So kans nichts importiren/di in vnser  
propheceyung nur von einer kronen geredet wird/da doch der Kön. in Schwed  
den drey kronen führet im Schilde : dann auch vom HERRN Christo/dem  
KARLEN von sich selbst/auff Propheetische art Apoc. 19. geredet wird/das er  
vlei kronen auff seinem haupt habe: vnd gleichwol wird im selben buch am 14  
Cap. von ihm gemeldet / Ich sahe vnd siehe/eine weisse wolcke/vñ  
auff der wolcken sitzen einen/der gleich war wie eines mensche  
Sohn/der hatte eine güldene Kron auff seinem Haupt/vnd in  
seiner hand eine scharpffe sichel. Damit anzudeuten/di nur eine per  
son seyn werde/dem Gott gewalt vnd macht zu herschen / vnd über die gott  
losen Gerichte zu halten einig vnd allein habe übergeben/ wir sind schuldig die  
wunderbare vnd warhafftige Erfüllung vnser weissagung zu erkennen vnd  
zu sagen. HERR deine gericht seind gerecht/ vnd deine weissa  
gungen seyn warheit/ Amen.

### Das achtzehende Capittel.

Von Gottes sonderlicher vorsehung vber demselbigen.

Textus num. 18. lit. 5.

Gott weiß wol/wer er ist.

### Erklärung.

Dieses ist abermal eine prophetische art zu reden/daben man die einigkeit  
des geistes Gottes in den propheten erkennen mag/der fast eben von dem  
lesten der Römisch. Babel vntergang hat durch den mund Alberti à Westen  
geweißaget / wie vor zeiten durch den mund Jeremia, von der Chaldäischen  
Babel im 45. vnd 50. capitel. Siehe/ es kompt ein volck von mitter  
nacht her/viel heiden/vnd viel könige werden von der seythen  
des Landes sich auffmachen/die haben bogen vnd schild / sie  
sind grausam vñ vnbarhertzig (wie die Muscowiter/zappen/Zin  
nen vnd Tartern/derē eiliche des Kön. in Schweden Armee vnter sich führet.  
Ihr geschrey ist wie das brausen des meers/ sie reiten auf ros  
sen gerüstet wie kriegsmänner/wider dich/du tochter Babel:  
wenn der König zu Babel ihr gerücht hören wird / so werden  
ihm die fenste enesincken/ihm wird so angst vnd bang werdē/  
wie einer Frauen in Kinde nöthen. Siehe/ er kompt herauff/  
wie ein Löwe vom stolzen Jordan/wider die feste zütten. Da  
ich wil ihn daselbst her eilends lauffen lassen. Vnd wer weiß/  
wer der jüngling ist/den ich wider sie rüsten werde. So wenig nun damals  
Jere 2